


福建诗词



2015·1 集

福建省诗词学会

福建诗词

福建省诗词学会 编

目 录

风 雅 新 声

赵玉林 蔡厚示 欧孟秋 古求能 周克光 苏些零 蒋平畴 谭南周
 陈德金 陈 永 黄福强 吴明哲 林 梦 施性山 黄元佐 顾 绅
 林阳在 任德坚 陈 霖 黄德浓 李阳民 戴寿泉 吕文芳 宋德新
 冯延辰 陈一放

(1)

壮 歌 高 唱

蔡厚示 彭嘉庆 吴培昆 陈承宝 林阳在 吕文芳 陈利扩 吴文凯
 张学宇 郭泽英 李阳民 许宗明 林玉琰 何占东 李廉德 陈 莪
 郑俊杰 郑明显 黄友大 许永汀 游健生 陈水春 黄德浓 周流鸿
 茅荫炎

(22)

即 事 抒 怀

陈子波 丘幼宣 王仁山 张奕专 施学概 林义钦 洪君默 邵秀豪
 谢复兴 张忠钊 顾 绅 郭章琛 陈显环 李福金 向 纯 阮大维
 李朝宗 黄振东 徐继荣 闫俊峰 阮福官 林思放 陈天培 陈道衍
 施性山 黄福强 陈 莪 廖显辉 姚元本 刘柏青 余永忠 任德坚
 林振平 陈金祥 江芝林 张龙赠 庄奕玉 吴隆扬 赵喜文 吴昌衣
 潘为田 甘鼎藩 杨 耀 谢泗洲 陈水春 欧时奎 陈贵富 游健生
 李显景 汪启光 丘庭镜 杨文生 陈金清 徐继荣 李阳民 林逸少
 王国生 叶兴松 童家贤 郑世雄 王建生 方成孝 刘 波

(33)

山 川 胜 迹

欧孟秋 胡迎建 黄高宪 徐肖剑 张奕专 吴 晟 邵秀豪 陈 永
 洪峻峰 黄元佐 徐榴珍 张丽茹 林玉琰 彭义平 张瑞初 沈汇丰

刘柏青	胡鉴明	钦代主	颜新泰	郭建春	陈忠义	吕文芳	郑祖谈
方纪龙	赵喜文	徐继荣	缪旭照	林奇敏	游松柏	潘为田	陈富贵
黄玉钦	郭泽英	甘鼎藩	蔡南山	姚恩健	陈沧河	戴亚晶	余孙谋
李泽友	侯德智	郑国贤	陈天培	李国梁	林阳在	陈纬地	庄奕玉
邹邦旺	李 新	张万益	吴石光	方成孝	黄兆正	黄钟麟	江芝林
谢飞峰	刘 旭						

(66)

缅怀纪念

黄高宪	王仁山	施榆生	洪君默	赵京战	陈显环	余元钱	胡居达
江芝林	林阳在	陈 永	杨修正	许更生	陈爱香	陈尊光	潘为田
林玉琰	杨庆儿	李阳民	林奇敏	吴梅生	林思放	黄连池	陈鸿基
翁银陶	郭建春	薛俊安	周日培	颜新泰	方成孝	陈天培	

(93)

咏物寄意

谭南周	张奕专	吴 晟	陈大明	陈显环	徐灵犀	叶兴松	翁银陶
林 梦	沈继祖	杨 斌	王占荷	游健生	张克鏊	郭建新	缪煦照
郑世雄	李福金	林思放	杨起予	黄良筹	陈一鸣	陈素梅	董楚扬
练 欢	章军霞	钟 键					

(107)

意挚情真

蔡厚示	苏些零	谭南周	张奕专	吴声洪	刘 波	周流鸿	黄兆正
潘君枢	许更生	林为干	包胜书	刘必寿	陈贵富		

(121)

田园诗话

吴杭辉	李国梁	吴 晟	龚德仪	李朝宗	彭义平	陈 雄	陈金祥
陈一鸣	吕文芳	徐灵犀	郑祖谈	陈承宝	谭毓文	董楚扬	林为干
郑德福	吴文凯	李福金	傅卫国	张开瑰	李朝宗		

(128)

两岸吟声

欧孟秋 黄高宪 卢先发 简华祥 赖欣阳 吴杭徽 曹春森 薛俊安
黄兆正 李 新 郑世雄 王建生 官民生

..... (138)

耆老遗玉

林 旭 沈瑜庆

..... (145)

诗海诗话

胡适新诗赏析

陈子波

情思·禅味·诗心

——读欧孟秋先生《菊潭吟草》

谭南周

诗词使用入声字管窥

牛 蕴

..... (160)

风雅新声

赵玉林

读《需庐诗草》赠北京张天昱先生

谈笑为儒五陵侠，安阳气概翩翩蝶。
信知乾惕总因时，定见恃轮兼倚楫。

读长沙陈和世先生《文华堂壬辰杂诗》有赠

经营章句腐儒事，枉託谗言高士心。
闪烁光芒随处见，夜寒且听老龙吟。

家怡、耀云伉俪长年执教，广育英才，结襟六十周年，
携儿辈游四面山大洪海自慰有咏，望风申祝

讲坛周甲敬齐眉，杏雨槐风博爱施。
雏凤高翔洪海上，后昆继美有馀滋。

贺险峰书画展

相濡翰墨老天涯，垂露悬针枉自夸，
卅载摩挲何所得，输君佩实复摹华。

谨步绳馨吟老《九旬自咏》奉申祝敬

海阔星辉大有年，馨翁九秩耸吟肩。
葵忱向晚挥余热，蝶梦随风化凤愆。
治学维严人所仰，持躬尚洁世之妍。
相携稳步期颐上，扶老呼觞酒溢阡。

应王金魁嘱题《林屋山民送米图》

官场自古如浑水，励节飭躬谁能尔。
山民送米救穷官，有幸名传暴方子。

三山诗社三十周年社庆

卅载辛勤共剪烛，三山钟韵得薪传。
继承改进欣同步，诗海还当纳百川。

赠文史馆馆长卢美松

拜汝胸中贮甲兵，来居凤阁气纵横。
钩沉巨擘谁能拟，鄴架新书灿若英。

圣泉寺照壁见陈吉题“东南法窟”四字甚雄伟，因寄

圣泉寺壁见英姿，法窟东南本在兹。
落笔云烟香满袖，知君禅悦溢须眉。

蔡厚示

赠钟家佐兄

醉石斋诗好，豪怀纳两间。
仰歌山崑崙，俯听水潺湲。
身历仙凡界，情忘名利关。
何时重把袂，欢叙启心颜？

贺瑞安诗词学会成立三十周年

飞云江岸覆诗林，郁郁葱葱一径深。
佳果盈山香四溢，中郎惊羨欲前寻。

贺何怀玉诗家吟稿出版

乞借文魂壮国魂，何生才调有谁伦？
百篇吟稿神州梦，愿景缤纷觉后昆。

欧孟秋

甲午中秋前三日重返深圳，车过漳州，
获诵奕专兄佳什，怀想依依，兄将北游，依韵奉酬

秋韵知尝别有春，岭南河北寄吟身。
听泉洗却风尘累，觅句拈来笑语新。

梦到幽微疏世味，心归恬淡属诗人。
停云深醉相思意，且借明宵月作邻。

甲午立秋后三日，奉陪求能、克光、
些零诸吟长闽游有作，用奕专兄韵

浔江一曲雅音臧，钓韵湖西月色凉。
古郡登楼融客意，灵源煮茗润诗肠。
问禅喜沐三山雨，阅世浑经万里霜。
静听嚶鸣无挂碍，童心相照老犹狂。

偕岭南诗侣访太姥山

车出桐城外，泠然靖世氛。
心归三界碧，梦绕几梯云。
花雨空山落，仙风隔海闻。
诗禅元一味，问道在斯文。

古求能

赴漳平列车中作

路畔青山向后移，秋风瑟瑟树先知。
索居渐觉诗情减，又遣轮蹄赴闽西。

闽粤之游散会，步奕专兄韵，赠别诸吟友

闽地相邻嘉应州，携来俊侣赋同游。
纵谈爆笑饶佳兴，白荻丹枫醉晚秋。
长笛飞声连短笛，土楼筑梦到琼楼。
临岐深省骊歌意，约取何时再聚鸥？

留别闽粤两地吟友，用孟秋兄韵

万壑群山拱孔门，书香竹影绕千村。
汀江淑母美人影，烈焰丹枫勇者魂。
画境勾留别有趣，诗心传递了无痕。
阳关望断飙轮远，耳畔犹闻肺腑言。

梅州客天下小住

但觉此身属我身，仙山飘渺句传神。
客天下迎天下客，人世间礼世间人。
鸥聚坦怀犹款款，蟹行提笔尚津津。
瀛寰任闹鸡虫事，独爱桃源少软尘。

参观福建漳平红军驻地题壁有感

秋毫无犯见殷勤，曾此安营细柳军。
壁上留题依旧在，今来恍似听奇闻。

题漳平生态水仙茶园

流水人家傍小桥，清香茶味满村飘。
水仙今已名天下，笑靥临风带露娇。

赞永定土楼

土楼别号是围龙，养晦韬光继古风。
更有敷扬重耕读，客家代有万夫雄。

和奕专兄《梅州留别》

名山访罢访江乡，诗酒风流作阮狂。
人境一庐温谏论，漳平两袖带茶香。
澄怀堪比云天阔，吟兴偏于道路长。
别意依依同领略：骚坛端可异商行。

周克光

游漳平香寮古村步奕专兄韵

无尘境界绝稀珍，百折桃源觅得新。
烽火灭痕馀远史，图腾启迪证前身。
一杯碧赏欣环岭，千壑霞收渐转筠。
谷邃悬桥摇兀过，景弘寺谒导能津。

漳平夜踱

长桥踏采拥千缸，林渚峰头塔映双。
万岭丛中城不夜，五群歌溢九龙江。

朱德率红四军出击闽中纪念馆参观感作

丹桂红樨古宅存，留根取米记明言。
百年风尚今犹继，遂梦何忧两极翻。

参观中国水仙茶第一村

九曲溪林入北寮，千层茶叠百山腰。
径幽花抱轻弦伴，桥雅瓜垂梦笔描。
青瓦粉墙村错落，塑群述作序明昭。
何劳雅座相邀品，风溢香森意已飘。

题漳平城市展示馆

一馆漳平识古今，商周地辖此能寻。
九龙三塔存文脉，两汉中原托古音。
山邃无妨丝海路，时新起振大弦琴。
风华胜景皆思奋，人物容虚济世心。

自龙岩下漳平

虹飞仙路枕天开，玉海壁峰交锦瑰。
晓日穷奇出龙颚，螭蛇无数绕云台。
遍妆珠树精微手，点染江山大化才。
百里轻车何气象，明皇月殿势能追。

晓上龙岩至漳平高速路

轻车高路直登云，山尽飞仙霞转裙。
妩媚饶君深入醉，诗成意态足氤氲。

苏些零

漳平水仙茶园

山腰茶树杂山花，山顶松杉绀彩霞。
扑蝶歌谣容易唱，采青挥汗是农家。

土 楼

许我优游踏素秋，记曾赤脚逐狂牛。
者番拾取围龙趣，笑问君居在几楼。

红四军题壁

壁上留题迹未残，钱银虽少意如磐。
山村记得当年事，还待时人仔细看。

奇 和 洞

深藏隔世一奇和，揖别人猿谜几多？
万类探源非杳渺，须知求索路盘陀。

蒋平畴

《书法心解》韵语（续录）

沿波接武 隆法扬旌

漫诩前规汲百泉，万殊囊括贯长川。
垂痕屋漏心中化，荡气毫芒物外迁。
墨海烟云收一霎，春江花月衍无边。
引吭莫是恢风力，书入三唐别有天。

寻趣寄情 各成气象

际会宋元书道昌，继之相续亦煌煌。
浑然理趣频承化，各自灵明有主张。
画地象天经委曲，笼云印月见悠扬。
回眸欲问高峰几，却看梅花老更狂。

志在飞移 千秋逸韵

化奇随态蕴丰标，不尽飞移适意调。
知会风云凭抖擞，了然使转向逍遥。
犹才奔似行空马，何又翻如带雨潮。
漫自无中生有处，跃龙起凤上青霄。

平奇正侧 动静互涵

别趣吉金三代藏，纵横款识各铺张。
化真入幻霞浮浦，抱曲悬钩月过墙。
错落成篇呈本色，婉通垂缕引心香。
承天虫食千秋叶，留与人间取意尝。

峨冠博带 野鹤闲鸥

汉世鼎新承古昂，八分风范益堂皇。
设蚕飞雁形随势，落墨挥毫约取详。
互济刚柔成自觉，相依奇正出平常。
化龙列阵开生面，一举恢宏百旆扬。

外应内合 自力不倦

楷则滋生底事移，漫从宇宙觅清规。
四时行化原如是，万物和融各所宜。
洁共性灵依月在，妙教点画摄云驰。
其中多少陶然处，非历非经不自知。

正大浑雄 开山特立

开山立帜起平原，初入河南复讨源。
天性含宏光正大，道心翻古出雄浑。
化因闲雅彰犹婉，望乃庄严即却温。
千载留痕英气在，柔思激愤一忠魂。

活参妙悟 遗貌取神——兰亭古今

风子佯狂雪箇昂，循唐升晋共超然。
分无习气天弥朗，更有高情道益彰。
破实游虚皆本色，造微入妙各形相。
鸟啼花落通神处，卓立秋空自傲霜。

谭南周

中秋诗寄孟秋，和奕专韵兼示平畴、仁山

小春景物胜阳春，皓月披襟露染身。
归履征尘情未老，振衣觅句意常新。
时牵家国悠然梦，坐拥湖山自在人。
一读瑶章思绪远，烟霞缭绕五峰邻。

陈德金

甲午中秋前三日秋兄赴深圳，专兄北往，敬步原玉

南来北往几秋春，劳燕分飞不定身。
赠别尤钦诗律细，送行更折柳条新。
观山四处皆明世，望月他乡若故人。
海内深衷知己在，天涯依旧类芳邻。

陈 永

谢陈大明诗兄赠画原玉

贻我秋花清兴浓，催诗浪漫与君同。
吟杯他日期豪饮，续写东篱一角红。

山水汇骚友吟集感作

雅会芳庄柳线长，楼台倒影映池塘。
微风频送清吟漾，篱菊丛丛佐晚香。